

四庫全書

子部

# 欽定四庫全書

子部

大統歷志卷八

詳校官欽天監博士臣何元浩

靈臺郎臣倪廷梅覆勘

總校官編修臣王燕緒

校對官五臺臺郎臣陳際新

謄錄監生臣王志遠

繪圖天文生臣周履信

欽定四庫全書

大統歷志卷七

宣城梅文鼎撰

日食通軌

按軌者法也算月食者以此為通行必用之法也

錄各有食之朔下算

經朔全分

盈縮歷全分

盈縮差全分

遲疾歷全分

遲疾限數

遲疾差全分

加減差全分

定朔全分

交泛全分

按有食之朔即所推其朔交汎日入食限者也故其  
下所有數如經朔等皆全錄之以為算日食用也蓋  
數以倚數參伍相求此所錄皆母數原定朔時俱已  
推定更不必復算只全錄取用也月食倣此

推定入遲疾厯法

置所推或遲厯或疾厯全分以本日下加減差加者加  
之減者減之得為定入遲疾厯分也

按原所推遲疾厯是經朔下者今以加減差加減之

則是定朔下遲疾厯也

推定入遲疾厯限數法

置所推定入遲疾厯全分依朔下限數法推之得為定入遲疾限數也

按定朔遲疾厯既不同經朔則其入轉限數亦異其月行遲疾行度之數亦異故復定之

推定限行度法

視所推定入遲疾限與太陰立成相同限下遲疾行度

遲用遲行度疾用疾行度內減去日行分八分二十秒

按此於度下二位減而得為定限行度也

按定限行度者即定朔所入限月行遲疾之數也內減去八分二十秒者月行一限日行八百二十分於度下分即八分二十秒也蓋日月並行於天皆自西而東其立成遲疾行度月所行於天之數此所推定限行度乃月行所過於日之數假如一限月行一度而日已行八分二十秒則月之合日而過只有九十

一分八十秒也

推日出入半晝分法

視有食之朔下是盈初盈末者大餘若干用立成內冬至後相同積日下日出入半晝分全錄之是縮初縮末者大餘若干用立成內夏至後相同積日下日出入半晝分全錄之

按日出入者所以定帶食也以全晝之分半之為半晝分所以定午也只用經朔盈縮歷不加減者所差

半日而極無甚差數也據此則日出入立成當亦如  
盈縮立成法皆始於二至順逆推之今立成只是順  
求故其圖為二也若如盈初縮末縮初盈末法則以  
二圖為四圖

推歲前冬至天正赤道宿次度分法

置歲差一分五十秒定二為實以所距積年減一算定十

一百為法乘之言十得數定有四以度率十度相減餘

為赤道箕宿度分也

按歲差者日行黃道之度所每歲遷徙不常者也堯時冬至在虛一度至元冬至在箕十度漸差而西也歲差一分五十秒者凡六十六年有八月而差一度也原至元冬至在箕十度至今所求年又差幾度故以距算乘歲差而得所差之數以減其宿十度便知退在箕宿幾度也歲差之度自東而西其數為退故用減也

推歲前冬至天正黃道宿次度分法

置所推赤道度分內減去黃道立成相同積度下第三

格積度全餘分

有十定三子有分定  
二子十秒定一子

為實以下同度下

第四格度率為法除之

不去子只不  
滿法去一子

得數

定有三子為  
十分二子為

單分一子為十秒於  
十分前一位加積度

萬位前加入同度第一格積度得

為天正黃道箕宿度分也

按赤道之勢平黃道較赤道其勢有斜有平當其斜  
則宿度多於赤道當其平則宿度少於赤道故赤道  
終古不變而黃道宿度每歲不同要之以二至平二

分斜則無不同也所積赤道度即箕宿度乃逆推今  
冬至所距箕宿初度之數也於是以第三格積度減  
之便知此所距箕宿度已滿黃道有幾度也其減不  
盡者以第四格度率除之便知此未滿於黃道一度  
者在黃道為幾十幾分也於是加入第一格積度便  
知今冬至距箕初度之黃道凡有幾度幾十幾分也  
第三格積度至後赤道也第一格積度至後黃道也  
凡至後赤道積幾度幾十幾分於黃道為幾度整數

也第二格度率至後黃道也第四格度率至後赤道也凡至後赤道率一度零幾分於黃道為一度整數蓋至前後黃道平故其數少於赤道如此也原法以黃道度率乘減餘然後以赤道度率除之今黃道率是一度乘過仍是本位故不用乘只用除也惟其不用乘故除亦不去子只不滿法去一子也

黃道立成

黃

黃

赤

赤

|        |        |        |        |        |        |        |                                |
|--------|--------|--------|--------|--------|--------|--------|--------------------------------|
| 六度     | 五度     | 四度     | 三度     | 二度     | 一度     | 初度     | 積度<br><small>加此</small>        |
| 一度     | 一度     | 一度     | 一度     | 一度     | 一度     | 一度     | 度率<br><small>此乘<br/>黃道</small> |
| 六度五二三七 | 五度四二九二 | 四度三四四五 | 三度二五八八 | 二度一七二八 | 一度〇六六五 | 初度     | 積度<br><small>減此</small>        |
| 一度〇八三三 | 一度〇八四三 | 一度〇八四九 | 一度〇八五七 | 一度〇八六〇 | 一度〇八六三 | 一度〇八六五 | 度率<br><small>此除<br/>黃道</small> |

|    |    |        |        |
|----|----|--------|--------|
| 七度 | 一度 | 七度五九七〇 | 一度〇八二三 |
| 八度 | 一度 | 八度六七九三 | 一度〇八一二 |
| 九度 | 一度 | 九度七六〇五 | 一度〇八〇一 |
| 十度 | 一度 | 十度八四〇六 | 一度〇七八六 |

按此圖原有九十一度以二至二分為端蓋二分之黃道與赤道相交故其度斜徑而每度之數加多於赤道二至之黃道與赤道相遠故其度平直而每度之數加少於赤道此所存十度乃至後者故其黃道

之率皆少於赤道也只用十度者因箕宿只十度故也此算家等按暫時省力之法蓋至後黃赤道率與至前則同此圖原是順推今則用之逆溯其理同其數同也

### 推交常度法

置有交食之交汎全分

十日定五子單日定四子空日定三子空千定二子空百定一

子空十以月平行一十三度三六八七五一定為法乘之

言十定一乘過定有四子為單度五子為十度六子為百度

即得所推交常度分也

按交常度者以常數言之合朔去交凡有若干度也

推交定度法

置所推交常度全分盈加縮減其朔下盈縮差度分得為交定度分也如遇交常度數少不及減縮差者加交終度三百六十三度七九三四一九減之餘為交定度分也遇滿交終度去之

按交定度者太陽所在距黃道白道相交之數凡幾也以太陽為主故只用盈縮差加減之而得也月食

求閏虛即日所衝是亦以日為主也如遇交常度數  
少不及減縮差者是以常數言之雖已在交後計日  
行盈縮則仍在交前故加入交終度減之即仍作交  
前算也 愚意交定度當以定朔入盈縮歷求之盈  
縮差分以加減交常度於理較親也存之以質高明  
推日食在正交中交度

視所推交定度全分如在七度已下三百四十二度已  
上者為食在正交也如在一百七十五度已上二百○

二度已下者為食在中交也

按正交者月自陰厯入陽厯交之始也中交者月自陽厯復入陰厯交之中也交終之度於此始即於此終故為正交也交終之度於此適半故為中交也七度已下三百四十二度已上者正交食限陽厯距交初七度陰厯距交終二十一度而止也一百七十五度者陽厯距交中亦七度而止為食限二百。二分者陰厯距交中亦二十一度而止為食限也

詳見日月食限

條

推中前中後分法

視定朔小餘如在半日周五千分已下者就置五千分  
內減去定朔小餘而餘為中前分也如在半日周已上  
者就於定朔小餘內減去半日周餘為中後分也

按中前是以午逆推前所距分也故以小餘減半日  
周中後是以午順求後所距分也故以半日周減小餘  
順數逆推皆自午正起算也

推時差分法

置半日周內減去所推或中前或中後分餘千定三百定二為

實復以中前或中後千三百為法乘之言十得數又以

九十六分去三子。按九十六分宜去一子。今去三子者經所謂退二位也。為法除之

不滿法去一子除過定有得為時差分也中前為減

二子為百分一子為十分  
差中後為加差

按時差分者食甚之時刻有進退於定朔者也蓋經朔本有一定之期既以月遲疾日盈縮加減之為定

朔矣而猶有差者則以合朔加時有中前中後之不  
同者何也大約日在外月在內故能掩之人又在月  
內故見其掩而有食當其正相當一度謂之食甚如  
其合朔午正則以人當月以月當日相當繩直故無  
所差在午前以至於卯則漸差而早假如定朔卯正  
一刻日月合在一度是日月合朔本等時刻也人自  
地上觀之則不待其月之至於此度也當其卯初初  
刻月未及日一度時已見其合於是差而早六刻

有奇也若在午後以至於酉則漸差而遲假如定朔  
酉正一刻日月合在一度是日月合朔本等時刻也  
人自地上觀之則月雖已至此度尚未見其合也直  
至戌初一刻月行過於日將一度時始見其合於日  
是差而遲六刻有奇也其自卯而辰而已所差漸少  
至午正則復於無差也其自午而未而申積差以漸  
而多至酉則差而極於六刻有奇也蓋天體至圓其  
行至健運乎四虛地在其中為氣所團結而不散若

卯之有黃夫卯既圓矣黃安得獨方故地之方者其德其體則不必正方如碁局也夫日月並附天行而月在日下當其合時去日尚不知有幾許人自地上左右窺之與天心所見不同故日月平合在卯酉皆不能見所見食甚日稍在下月稍在上斜弦所當差近一度在月平行為六百餘分惟午則自下仰觀所見正當繩直與在左右旁視者異故無差也昔人常云人能凌倒景以瞰日月則晦月之表光應如望吾

亦云使人能逐景而行與日相偕則舉頭所見常如  
在午又使地如琉璃光人居其最中央旋而觀日八  
面皆平時差之法可以不設矣是其所差不問盈縮  
遲疾而只在本日之加時故曰時差

推食甚定分法

視時差分如是中前分推得者置定朔小餘內減去時  
差分餘為食甚定分也如是中後分推得者置定朔小  
餘內加入時差分共得為食甚定分也滿日周去之至

入盈縮度再加之

按食甚食而甚也食甚分是自虧至復之中日月正相當於一度之時刻也中前減小餘者差而早也中後加小餘者差而遲也若夜刻不算者恐無滿日周去之之理末二句疑有誤

推距午定分法

置所推中前或中後分內加入時差分共得為距午定分也

按定距午定分是食甚時刻距午正之數也食甚以時差加減距午則不減只加者蓋食甚原是順推故有加減距午分則一自午順推一自午逆溯總是差而漸遠於午正故也

推食甚入盈縮定度法

置前推或盈厯或縮厯初末全分加入定朔大餘及食甚定分內減去經朔全分餘為食甚入盈縮厯定度分也

按原推盈縮歷是經朔下者故以定朔大餘及食甚  
分加之減去經朔全分如以經朔大小餘加減作食  
甚大小餘故即得食甚所入盈縮歷數也

推食甚入盈縮差度法

置所推食甚盈歷或縮歷全分減去大餘依朔下盈縮  
差法推入得食甚入盈縮差度分也如遇末限亦用反  
減半歲周之數數止秒

按食甚盈縮歷既異經朔則其所積盈縮之差亦不

同故復求也

推食甚入盈縮厯行定度法

置食甚入盈縮厯全分以萬為度內盈加縮減其所推

食甚入盈縮差得為食甚入盈縮厯行定度分也

未限不用

數止秒

按凡盈厯若干日即是常數日行距冬至宿之度數也凡縮厯若干日即是常數日行距夏至宿之度數也以其差加減之即得所推食甚日躔距二至宿之

度數也凡用末限者所以紀其差是逆從二至推至二分其差整齊易知也今不用末限者所以積其度是順從冬至數至夏至從夏至數至冬至也

### 推南北泛差度法

視所推食甚入盈縮厯行定度如在周天象限九十一度三一四三七五已下者為初限也如在已上者置半歲周內減去行定度餘為末限也或得初限或得末限俱自相乘之

初末限有十度上下各定三子單度各定二子言十加定一子得數以一

千八百七十度

去三子

為法除之

不滿法去一子除過定有四子為度三子為十

分。按上下各定二子則四子矣故四子為度

復置四度四十六分

按四度四十六分者

即周天象限自乘復以一千八百七十度除之者

內減去得數條為南北汎差

度分也

推南北定差度法

置所推南北汎差全分

度定四子十分定三

以所推距午定分

三子百

為法乘之

言十定一

得數復以其所錄半畫分

去三子

為法除之

不滿法去一子除過定有四子為度三子為十分也

仍置汎差減去得

數餘為南北定差也若遇泛差數少不及減者反減之而得也又視其盈縮厯及所推正交中交限度如是盈初縮末者食在正交為減差中交為加差也如是縮初盈末者食在正交為加差中交為減差也若遇反減汎差者應加作減應減作加不可忽畧也

按南北差者古人所謂氣差也易之曰南北所以著其差之理也蓋日行盈初縮末限則在赤道南其遠於赤道也至二十三度九十分日行縮初盈末限則

在赤道北其遠於赤道也亦二十三度九十分日之行天在月之上而高故月道與黃道相交之度有此差數以南北而殊也假如盈初縮末限一日空日間日行赤道外極南去人極遠去地益近日道所高於月道之中間人皆以旁觀之易得而見故月道之出黃道而南也較常期

所謂常期皆主春秋分日道而言即所定中國正交度中交度

也早四度有奇其入黃道而北也較常期遲四度有奇由是以漸而至於盈初縮末八十八日行天漸滿

一象限之時黃道之在赤道南者去赤道以漸而近去地之數以漸而遠其日高月下相去之數人所從旁見者以漸而少故其所差四度有奇以漸而殺也又如縮初盈末限一日空日間日行赤道內極北去人益近去地益遠日道所高於月道之中間人仰面視之難得而見故月道之出黃道南而為正交也較常期遲四度有奇其入黃道北而為中交也較常期早四度有奇由是以漸而至於縮初盈末九十三日

行天漸滿一象限之時黃道之在赤道北者去赤道以漸而近去地之數亦以漸而近其日高月下相懸之數人所從旁見者又以漸而多故其所差四度有奇亦以漸而殺也四度四十六分者據其極差者言也以得數減之便是今所有差也然此皆據午地而言故以距午分乘之以半晝分除之便知今距午之地應分得差數凡幾許而今已距午幾許則此所有之差已不可用故以減原得汎差而知其尚餘幾許

之差為定差也。蓋於天則冬至夏至之黃道為南北  
於地則加時在正子午為南北。今泛差之數近二至  
則多近二分則少。是以天之南北而差定差之數近  
午正則多近日出沒時刻則少。是以加時之南北而  
差也。故曰南北差。月自黃道北出黃道南謂之正交  
即經所謂交前陰厯交後陽厯也。月自黃道南入黃  
道北謂之中交即經所謂交後陰厯交前陽厯也。  
其南北泛差不及減反減者此帶食出入方有之何

也此必是食甚定分在日入分已上或曰出分已下則其距午定分多於半晝分故乘除後得數亦多於泛差也不則以多除以少乘其數且不能與泛差相等況能多於泛差也愚故斷其為帶食也泛差數少不及減是距午定分已過於半晝是在夜刻故反筭其距子之數夫距子與距午其盈縮南北遠近并旁觀仰視之理正相反故加者減之減者加之以為定差也

推東西泛差度法

置所推食甚入盈縮厯行定度就為初限也去減半歲

周餘為末限也以初末二限互相乘之

百度定四子十度定三子言十

定一得數復以一千八百七十度

去三子

為法除之

不滿法去

一子除過定有四子為度三子為十分

即得所推東西泛差也

推東西定差度法

置所推東西泛差全分

百度定四子千定三子

以所推距午定分

千定

三子百為法乘之

言十定一

得數以二千五百度

去三子

為法

除之

不滿法去一子除過定有四子為度三子為十分

視所推如在東西泛差

以下者就為東西定差度分也如在已上者倍其泛差  
內減去得數餘為東西定差度分也 又視其盈縮厯  
及中前中後分與正交中交限度若是盈厯中前縮厯  
中後者正交為減差中交為加差也若是盈厯中後縮  
厯中前者正交為加差中交為減差也

按東西差即古所謂刻差也易其名曰東西者其差  
只在東西也於天則近二分之黃道為東西於地則

近卯酉之時刻為東西蓋日行在二至前後其勢平  
直日行在二分前後則其黃道與赤道縱橫交如其  
勢斜徑當其斜徑加時又當卯酉則有差也假如春  
分日在盈厯九十餘度其黃道之交於赤道自南而  
北勢甚斜徑若加時中前則是赤道倚而黃道橫也  
加時中後則是赤道倚而黃道縱也又如秋分日在  
縮厯九十餘度其黃道之交於赤道自北而南勢甚  
斜徑若加時中前則是赤道倚而黃道縱與盈厯中

後同也加時中後則是赤道倚而黃道橫與盈歷中  
前同也黃道縱立於卯酉月道之出入亦從而縱正  
面視之繩直相當其日內月外相去之中間人所見  
者少意與南北差縮初盈末正在人頂者同也故月  
道之出黃道南而為正交也較常期遲四度有奇其  
入黃道北而為中交也較常期早四度有奇此盈歷  
中後縮歷中前皆於正交以差加中交以差減也黃  
道橫偃於卯酉月道之出入亦從而橫人在赤道之

北斜而望之其日內月外相去之中間皆得而見意  
與南北差盈初縮末橫偃南上漸近於地者同也故  
月道之出黃道南而為正交也較常期早四度有奇  
其入黃道北而為中交也較常期遲四度有奇此盈  
厯中前縮厯中後皆於正交以差減中交以差加也  
若盈縮厯當二分加時又在卯酉則其差之極四度  
有奇迨至二分前後黃道之斜徑以漸而平故其差  
亦以漸而少由是而至於二至黃道之斜徑依平而

差亦復於平故曰二至無刻差也若加時不在卯酉則雖二分之黃道其差却與他氣不殊蓋其斜徑之勢亦以漸而平故也假如二分加時辰巳之間其定差則正與四立泛差等漸而至於午中則其差亦漸而復於平是其所差只在東西故曰東西差凡東西泛差近二分多是以天之東西而差也其定差以加時卯酉而多是以地之東西而差也以距午分乘之者距卯酉之數也以二千五百除之者日周四分之

一乃卯酉距午之數也蓋此所謂泛差乃距午二千五百分時所有之差也乘除後得數若多於泛差是食甚距午分其數亦多於日周四分之一其加時乃在卯前酉後也卯前酉後之差於正卯酉者其數正與卯後酉前等故倍泛差減得數即為定差也凡差於南北者復於東西差於東西者復於南北并二差加減數總無過四度四十六分以是為交度進退之極也蓋原所謂正交中交限各損陰厯六度餘為陽

歷者乃是據中國地勢所差於南戴赤道之下者言  
人在赤道之北故所見黃道交處皆差而近北六度  
餘此常數也若黃道在冬至橫於南上去人益遠故  
其交處差而北者又四度餘而極是共差十度餘矣  
若黃道在夏至去人反近正在中國人頂故其交處  
原差而北者乃復而南亦四度餘而極是只差一度  
餘矣此南北差之理據午上言也若移而至日出入  
時則其橫於南上者已斜縱於卯酉其正當人頂者

已橫斜於卯酉所見差度以漸而平如常數故南北  
差近午多近日出沒則少也若黃道在春分而加時  
卯黃道在秋分而加時酉其勢皆橫偃於東西而與  
地相依故其交處益差而北又四度餘而極是亦共  
差十度餘矣若黃道在春分而加時酉黃道在秋分  
而加時卯其勢皆縱立於東西而與人相當故其交  
處原差而北者亦皆復而南四度餘而極是亦只差  
一度餘矣此東西泛差之理據卯酉而言也若移而

至午則其橫偃於卯酉者反斜縱於午上其縱立於  
卯酉者反橫斜於午上所見差度自以漸而平如常  
數故東西差近卯酉多近午則少也假使人能正當  
赤道之下則兩極平見相望子午赤道平分界平卯  
酉則凡正交只在交終中交只在交中其氣刻之差  
減正交加中交者則差而北其加正交減中交者則  
差而南當亦各四度有奇也今中國地勢則正在赤  
道之北故所見赤道皆斜倚於人之南其所見正交

中交度常數亦皆因其赤道之斜倚者而斷惟其黃道交在四五之宿加時在巽坤之維則黃道之勢正自斜倚適如赤道之理而南北東西之差皆少與常數相依若黃道橫則其勢視赤道加偃故正交中交之度益差而北若黃道縱則其勢視赤道反直幾有類於南戴日下之赤道故正交中交之度雖曰復差而南其實乃復於無差也凡縮初盈末而加時午盈歷而加時中後縮歷而加時中前皆黃道縱之類也

其縮初盈末當午雖橫在天心然東西視之則亦縱也凡盈初縮末而加時午盈歷而加時中前縮歷而加時中後皆黃道橫之類也其冬至黃道當日出入其二分黃道當子皆黃道斜倚之類也

推日食在正交中交定限度

視所推日食在正交中交限度如食在正交者置正交度三百五十七度六十四分在中交者置中交度一百八十八度。五分俱以所推南北東西定差是加者加

之減者減之即為所推正交中交定限度分也

按正交本在交終三百六十三度七十九分今日三百五十七度六十四分者於陰歷本數內損六度餘為陽歷也中交本在交中一百八十一度八十九分今日一百八十八度五分者於陽歷本數外增六度餘侵入陰歷也蓋黃道之於月道如大圓輪包小圓輪月在日內人又在月內而稍北日月交其南人自北斜而望之其月日相去中間獨得而見故其交

處皆差而北也惟其交處差而近北故其交而南也  
早六度其交而北也遲六度此據中國地勢言在授  
時立法當只是據大都北極高度斷之也若迤而漸  
南至於戴日之下所差當以漸而復其本度若迤而  
漸北以至於戴極之下所差當不知更有幾許也

又按此正交中交度增損六度者只是地勢使然已  
為常數其因時而差者又有南北東西二差於是復  
以加之減之而後乃今所推正交中交之度可得而

定而後乃今交前交後陰陽厯可得而定矣

推日食入陰陽厯去交前交後度法

視所推交定度若在正交定限度已下者就於定限度內減去交定度餘為陰厯交前度也若在正交定限度已上者於交定度內減去正交定限度餘為陽厯交後度也又視其交定度若在中交定限度已下者就於定限度內減去交定度餘為陽厯交前度也若在中交定限度已上者於交定度內減去中交定限度餘為陰厯

交後度也

按若交定度在七度已下者數雖在正交定限度下而實則為陽厯交後度也法當置交定度加入交終度復減去正交定限度餘為陽厯交後度也

勿菴補

按凡交定度在正交後中交前者陽厯也其在正交前中交後者陰厯也若以東西南北差定之而正交度有加中交度有減者是陽厯變為陰厯也其正交度有減中交度有加者是陰厯變為陽厯也正交陽

變陰中交陰變陽是交後變為交前也正交陰變陽  
中交陽變陰是交前變為中後也故必以所推正交  
中交定限度為則與交定度相較而得合朔日躔距  
交前後的數也凡以交定度去減正交中交定限度  
者為交前是逆從交處數來也其於交定度內減去  
正交中交定限度者為交後是順從交處數去也  
又按交定度在七度已下食在正交也若以減正交  
定限度其餘者當在三百五十度內外為陰歷交

前度也勿菴曰非也若然則凡正交七度已下者永不入食限不必布筭矣況所謂陰陽厯者自正交中

交而斷

正交後為陽  
中交後為陰

所謂交前後者皆附近正交中

交前後而斷

正交後為陽厯交後正交前為陰厯交  
前中交後為陰厯交後中交前為陽厯

前交通交度分為陰陽厯陰陽厯又各分前後安得有

陰厯交前度乃多至三百五十餘度者乎此必無之理亦必不可通之數然則何以通之曰有法焉凡交定度在七度已下是其數不特在正交度下并在中

交度下也然而又與中交數遠并亦不得減中交為  
交前也夫在中交數下是陽厯非陰厯也不在交前  
是交後也夫陽厯交後度法當置交定度內減去正  
交定限度而此交定度數少不及減故必加入交終  
度而後可以減之也加入交終度減之則陽厯交後  
之度復其本位也則凡距交七度已下者皆得入陽  
食之限也然則厯經何以不云通軌何以闕載也曰  
是偶爾之遺也或姑畧之以俟人之變通也或傳之

久而失其真所謂史有關文也夫夏五傳疑三豕微  
信各行其是而已為其恐誤後學也故訂之然而古  
人不作吾亦安所取正乎可為長歎

推日食分秒法

視日食入陰陽厯交前交後度是陰者置陰食限八度  
是陽者置陽食限六度皆減去陰厯或陽厯交前交後  
度餘度定四  
十定三為實各以其定法是陰者置八十分陽者  
置六十分去為法約之不滿法去一子所定有二  
子為單分一子為十秒即得

所推日食分秒也如陰陽食限不及減交前交後度者皆為不食也

按陰食限八度者陰厯距交八度內有食也陽食限六度者陽厯距交六度內有食也凡合朔若正當交度其食十分漸離其處食亦漸少假如陽厯距交一度二十分則於食十分內減二分只食八分也又如陰厯距交二度四十分則於食十分內減三分只食七分也故合置陰陽食限以距交前後度減之即是

於食十分內減去若干分秒也其減不盡者則正是  
今所推合食之數故各以定法除之而得也凡陰陽  
定法皆十分其食限之一也如食限不及減為不食  
者是距交前後之度多於陰陽食限其去交甚遠不  
能相掩斷為不食也

推日食定用分法

置日食分二十分內減去推得日食分秒餘

十分定三  
單分定二

為實即以日食分秒

單分  
定二

為法乘之

言十定一所定有  
六子為百分五子

為十  
分  
即為所推開方積也立天元一於單微之下依平

方法開之得為開方數

定有十

復以五千七百四十分

定五

為法乘開方數

言十

得數

又以所推定限行度

去四子

空度去

三  
子  
為法除之

不滿法去一子

所定有

二

即為所推定用

分也

按定用分者日食虧初復末中距食甚所定用之時  
刻也凡日食若干分則其所經歷凡有若干刻食分  
深者歷時久以月所行之白道長也食分淺者歷時

暫以月所行之白道短也今所求開方之數即自虧至甚或自甚至復月行白道之率也


月食只十分今用二十分者何也日月各徑十分其半徑五分凡兩圓相切則兩半徑聯為一直線正得十分為兩心之距以此兩心之距為半徑從太陽心為心運規作大圓其外周各距日之邊五分為日月相切時太陰心所到之界其大圓全徑正得二十分也

以日食分秒相減相乘何也此勾股術中弦較求股法也依前所論初虧時兩圓相切其兩心之距十分此大圓之半徑常為勾股之弦食甚時兩心之距如勾而太陰心侵入大圓邊之數如勾弦較自虧至甚太陰心所行白道如股而太陰心侵入大圓邊之數與食分正同蓋月邊掩日一分則月心亦移進一分也故即以日食分秒為勾弦較與大圓全徑二十分相減其餘即為勾弦和和較相乘為開方積即股實

也其開方數即股亦即自虧至甚月心所行之白道  
矣其自食甚至復光理同

五千七百四十分乘者何也先求日食分秒及勾股  
開方等率皆就日體分為十分其實日體不滿一度  
大約為十之七耳五千七百四十者七因八百二十  
也月行一限得八百二十分其十之七則五百七十  
四分矣故以五百七十四分乘開方數為實以定限  
行度除之為定用分之時刻也

日食圖



|          |          |          |          |          |          |          |          |          |          |      |     |
|----------|----------|----------|----------|----------|----------|----------|----------|----------|----------|------|-----|
| 五千宜定三子會定 | 五子者因此所謂分 | 乃度下二位分故加 | 定二子也立大元一 | 子單微之下者如一 | 子於實之微下一位 | 也所以然者前所推 | 數皆止于秒秒以下 | 所弃者尚多故此於 | 開積加之以湊平方 | 整齊也月 | 食微此 |
|----------|----------|----------|----------|----------|----------|----------|----------|----------|----------|------|-----|

一率

定限行度

為本限月行遲疾之定率

二率

五百七十四分

為十分八百二十而用其七

三率

開方數

即自虧至甚或自甚至復月所行白道

四率

定用分

即自虧至甚甚至復月行所歷之時刻

初虧時兩心之距為弦即大圓二十分平徑

食甚

時兩心之距為勾

食甚時月心侵入圓界三分為

勾弦較自虧至甚月心所行白道為股甚至復亦全

此以月在陽歷日食三分為例餘可做推

推初虧復圓分法

置所推食甚定分內減去定用分為初虧分不及減加  
日周萬減之復置食甚定分加入定用分為復圓分滿  
日周去之時刻依合朔法推之

按食甚者食之甚食之中也日月正相當於一度也  
初虧者虧之初食之始也月始進而掩日也復圓者  
復於圓食之終也月已掩日而退畢也凡言分者皆  
時刻也蓋初虧在食甚前幾刻故減小餘復圓在食

甚後幾刻故加小餘初虧距食甚時刻正與食甚距復圓數等故皆以定用分加減之也月食倣此

又按據加日周減滿日周去二語定用分當不止此數也

推日食起復方位法

視所推日食入陰陽厯如是陽厯者初起西南甚於正南復圓於東南也如是陰厯者初起西北甚於正北復圓於東北也若食在八分已上者無論陰陽厯皆初起

正西復圓於正東也

按日食起復方位主日體言之即人所見日之上下左右也以午位言則左為東右為西上為北下為南也日食入陰陽歷者主月道言之月在日道南為陽歷月在日道北為陰歷也如是陽歷食是月在日南掩而過故食起西南甚於正南復於東南也如是陰歷食是月在日北掩而過故食起西北甚於正北復於東北也其食在八分已上者是月與日相當一度

正相掩而過故食起正西復於正東其食甚時正相掩覆而無南北不言可知也凡日月行天並自西而東日速月遲其有食也皆日先在東月自西追而及之既相及矣則又行而過於日出於日東故日食虧初皆在西復末皆在東也。又按歷經云此所定起復方位皆自午地言之其餘處則更當臨時消息也

推帶食分法

視朔下盈縮歷與太陽立成同日之日出入分如在初

虧分已上食甚分

按食甚當作復圓

已下為帶食之分也若是

食在晨刻者置日出分昏刻者置日入分皆與食甚分

相減餘為帶食差也置帶食差

百定六十定五

以所推日食分

秒

十定五單定四

為法乘之

言十定一

得數以所推定用分

百去六十子為

法除之

不滿法去一子所定有五子為十分四子為單分三子為十秒

得數去減所推

日食分秒餘上下四處皆為帶食也已見未見之分也

按帶食分者日出入時所見食分進退之數也假如

日出分在初虧分已上是初虧在日未出前但見食

甚不見虧初也日入分在初虧分已上是食甚在日  
入後但見虧初不見食甚也又如日出分在復圓分  
已下是食甚在日未出前不見食甚但見復末也日  
入分在復圓分已下是復圓在日入後不見復末但  
見食甚也見食甚不見虧初是食在未出已有若干  
尚有見食若干帶之而出甚食為進也見初虧不見  
食甚是食在未入見有若干尚有不見食若干帶之  
而入其食亦為進也不見食甚但見復末是食在未

出前已復若干尚有見復光若干帶之而出其食為  
退也不見復末但見食甚是食在未入前見復若干  
尚有未復光若干帶之而入其食亦為退也凡此日  
出入所帶進退分秒何以知之則視其帶食而出為  
晨刻者置日出分其帶食而入為昏刻者置日入分  
皆以食甚分與之相減而得帶食之差也假如日出  
分在初虧分以上其食甚分又在日出分已上則以  
日出分減其食甚分其減不盡者則是日出已後距

食甚之時刻也若日入分在初虧分已上其食甚分又在日入分已上則以日入分減其食甚分其減不盡者則是日入已後距食甚之時刻也又如日出分在復圓分已下其食甚分又在日出分已下則於日出分內減去食甚分其減不盡者則是日出以前距食甚之時刻也若日入分在復圓分已下其食甚分又在日入分已下則於日入分內減去食甚分其減不盡者則是日入已前距食甚之時刻也凡此帶食差

分用乘日食分秒又以定用分除之便知日出入時  
所距食甚時刻在定用分全數內占得幾許即知日  
出入時所帶食分於日食分秒全數內占得幾許也  
以得數減食分所餘分秒即是日出入前距虧初已  
過食分或日出入後距復末末見食分也上下兩處  
者得數與減餘兩處之數也見未見之分即已復未  
復已食未食如後二條所列也

推日有帶食例

置日出入分內減去食甚分謂之已復光未復光將所  
推帶食分錄於前

晨

日未出已見復光若干  
日已出見復光若干

昏

日未入見復光若干  
日已入未見復光若干

置食甚分內減去日出入分謂之見食不見食將所推  
帶食分錄於後

晨

日未出已見食若干  
日已出見食若干

昏

日未入見食若干  
日已入不見食若干

按置日出入分內減去食甚分者其日出入分皆在  
復圓分已下也故謂之已復光未復光假如日食甚

五分在日出入前其帶食三分以之相減尚餘二分  
若在晨刻是日未出前已復光三分日已出後見復  
光二分也若在昏刻是日未入前見復光三分日已  
入後未復光二分也此二端帶食分皆是已復光數  
故錄於前也其以帶食分減之而餘者則是未復光  
數故錄於帶食之後也置食甚分內減去日出入分  
者其日出入分皆在初虧分已上也故謂之見食不  
見食假如日食甚五分在日出入後其帶食三分以

之相減尚餘二分若在晨刻是日未出前已食二分  
日已出後見食三分也若在昏刻是日未入前見食  
二分日已食後不見食三分也此二端帶食分皆是  
未食數故錄於後也其以帶食分減之而餘者則是  
已食數故錄於帶食之前也月食倣此但以日之昏  
為月之晨以日之晨為月之昏蓋日出於晨入於昏  
月出於昏入於晨也其餘皆同

推黃道定積度法

置所推食甚入盈縮厯行定度如是盈厯者內加入天正黃道箕宿度共得為黃道定積度也如是縮厯者內加入半歲周及天正箕宿黃道度共得為黃道定積度也

按黃道定積度者逆計食甚日躔度距天正冬至日躔宿度積數也盈厯加入天正黃道箕度者是逆從天正冬至所躔宿初度積筭起也縮厯復加半歲周者縮厯本數是以夏至度起筭今加入半歲周又加

入天正箕宿度是變而加盈厯亦以天正冬至箕宿  
初度起筭也所得定積度即是今所躔宿度與箕宿  
初度相距遠近之數也

推食甚日躔黃道宿次度法

置所推黃道定積度無論盈縮厯皆以黃道各宿次積  
度銓挨及減之餘為食甚日躔黃道某宿次度分也

按所推黃道定積度無問盈縮皆是今食甚躔度前  
距箕宿初度之積數也然尚未知其為黃道何宿度

也故以黃道各宿積度銓取其相挨及者減之其減  
去者是今積度內已滿其宿之度日躔已過此宿斷  
為前宿也其不及減而餘者則是前宿筭外所餘度  
分也是日躔正在此宿中未過故其積度亦未滿當  
即以所減筭外之度分斷為食甚日躔某宿幾度幾  
分也假如食甚定積十度則以筭宿積度九度五九  
減之餘。度四十一分為筭宿筭外餘數斷為食甚  
日躔黃道斗宿初度四十一分也餘倣此

黃道各宿次積度鈴

箕九度

九五

斗三十三度

六〇

牛三十九度

六九

女五十一度

八〇

虛六十度

太〇八

危七十六度

太〇三

室九十四度

太三五

壁一百〇三度

太六九

奎一百二十一度

太五六

婁一百三十三度

太九二

胃一百四十九度

太七三

昂一百六十度

太八一

畢一百七十七度

太三一

觜一百七十七度

太三六

參一百八十七度

太六四

井二百一十八度

太六七

鬼二百二十度

太七八

柳二百三十三度

太七八

星二百四十度

太〇九

張二百五十七度

太八八

翼二百七十七度

太九七

軫二百九十六度

太七二

角三百〇九度

太五九

亢三百一十九度

太一五

氏三百三十五度

太五五

房三百四十一度

太〇三

心三百四十七度

太三〇

尾三百六十五度

太二五

按黃道積度鈐皆自箕初度積至其宿塲積之數也

假如日躔斗二十三度四七加入箕宿九度五九則已共積得三十三度〇六也又如日躔牛六度九十分加入斗二十三度四七又加入箕九度五九共積得三十九度九六也餘倣此

又按凡言鈴者皆豫將所筭之數并其已前之數朶積而成以便臨筭取用意同立成也雖然黃道不可以立鈴筭者當知黃道度之所由生則可以斷其是非矣蓋黃道積度生於其宿黃道度各宿黃道度皆

生於赤道赤道三百六十五度二五七五而其各宿  
度數不同者則以二至二分所躔不同也黃道近二  
至則其度視赤道損而少黃道近二分則其度視赤  
道益而多蓋赤道平分天腹適當二極之中所紀之  
度故終古而不易黃道不然其冬至則近南極在赤  
道外二十三度九十分其夏至則近北極在赤道內  
亦二十三度九十分其自南而北自赤道外而入於  
其內也則交於春分之宿其自北而南自赤道內而

出於其外也則交於秋分之宿交則斜所占分數多  
此處占多則二至之黃道所占數少理勢然也黃道  
之損益既係於分至分至既以歲而差黃道積度是  
必每歲不同古人則既言之矣此所載者猶據授時  
歷經所測黃道之度乃至元辛巳一年之數也上考  
下求數十年間則皆有所不合況距今三百八十餘  
筭積差尤多安得海制此鈐以盡古今之無窮乎今  
仍以授時歷經黃赤道差法求得天啟辛酉年黃道

積度如左

依授時歷經求得天啟辛酉年黃道積度

天正冬至赤道箕宿四度九。

赤道四象積度

箕五

斗三十

七

牛三十七

九

女四十九

五

虛五十八

二

危七十

六

室九十

七

壁九十一

三

一四

右冬至後一象之度

壁七

九三  
一少

奎二十四

五九三  
一少

婁三十六

三九三  
一少

胃五十一

九九三  
一少

昂六十三

二九三  
一少

畢八十一

六九三  
一少

觜八十七

七四三  
一少

參九十一

三一四  
三太

右春分後一象之度

參初

五二  
八太

井三十三

八八二  
八太

鬼三十六

八〇二  
八太

柳四十九

三二  
八太

星五十五

六二  
八太

張七十二

八七  
八太

翼九十一

三一四  
三太

右夏至後一象之度

翼初

三一四  
三太

軫一十七

六一四  
三太

角二十九

七一四  
三太

亢三十八

九一四  
三太

氐五十五

三一四  
三太

房六十一

八一四  
三太

心六十七

三一四  
三太

尾八十六

四一四  
三太

箕九十一

三一四  
三太

右秋分後一象之度

黃道積度

婁五度

七〇

斗二十八度

一七

牛三十五度

九六

女四十六度

五九

虛五十六度

〇六  
太

危七十二度

二〇  
太

室九十〇度

太六五

壁九十九度

太八

奎一百一十七度

太七一

婁一百二十九度

太九三

胃一百四十五度

太五四

昂一百五十六度

太四八

畢一百七十二度

太八二

觜一百七十二度

太八七

參一百八十三度

太一一

井二百一十四度

太三五

鬼二百一十六度

太四八

柳二百二十九度

太六五

星二百三十六度

太〇四

張二百五十四度

太〇五

翼二百七十四度

太二八

軫二百九十二度

太九五

角三百〇五度

太六八

亢三百一十五度

太一二

氐三百三十一度

太三二

房三百三十六度

太七三

心三百四十二度

太九三

尾三百六十〇度

太七四

箕三百六十五度

太二五

天正冬至黃道箕宿四度五一二〇

黃道各宿度

角十二

三七

亢九

四四

氐十六

二

房五

一四

心六

二

尾十七

一八

箕九  
八五

右東方七宿七十七度三十七分

斗二十三  
四六

牛六  
八九

女十一  
六二

虛九  
太一一

危十六  
四一

室十八  
五四

壁九  
三三

右北方七宿九十四度九十一分太

奎十七  
三七

婁十二  
二二

胃十五  
一六

昂一十  
四九

畢十六  
四三

觜初  
五〇

參十二  
四

右西方七宿八十三度一十三分

井三十一  
四二

鬼二  
三一

柳十三  
七一

星六  
九三

張十八  
一〇

翼二  
三三

軫十八  
七六

右南方七宿一百〇九度八十四分

黃道各宿次積度鈐

箕九度  
八五

斗三十三度  
二二

牛四十。度二

女五十一度

虛六十。度

太五七

危七十六度

太七一

室九十五度

太一六

壁一百。四度

太四九

奎一百二十二度

太二二

婁一百三十四度

太四四

胃一百五十。度

太五

昂一百六十。度

太九九

畢一百七十七度

太三三

觜一百七十七度

太三八

參一百八十七度

太六二

井二百一十八度

太八六

鬼二百二十。度

太九九

柳二百三十四度

太一六

星二百四十。度

太五五

張二百五十八度

太五六

翼二百七十八度

太七九

軫二百九十七度

太四六

角三百一十。度

太一九

亢三百一十九度

太六三

氐三百三十五度

太八三

房三百四十一度

太二四

心三百四十七度

太四四

尾三百六十三度

太二五

已上度鈴俱據辛酉歲差所在步定俟歲差移一度時再改步之又按厯經有增周天加歲差法因前所推俱依通軌故仍之

大統歷志卷七

欽定四庫全書

大統歷志卷八

宣城梅文鼎撰

月食通軌

錄各有食之望下等數

經望全分

盈縮歷全分

盈縮差全分

遲疾歷全分

遲疾限數

遲疾差全分

加減差全分

定望全分

某甲子將本日日出分推  
在卯時何刻望在何刻已

下者退一日也。○按說見定朔望條卯時者舉例言其實即以日出分如發歛條求之便得某時刻又按其定望退一日法只據其小餘在日出分已下者斷之并不必求時刻也

交汎全分

定入遲疾歷

定入遲疾限

此限與前

同者便不必書出損益分并行度。○按其實此處損益分不言何用似總不必書出

定限行度

晨分

於月出之時刻也先於復圓者有帶食

日出分

日入分

昏分

月出之時刻也復於初虧

有帶食。○按載晨昏分者所以定更點也其帶食分只用日出八分不用晨昏蓋晨刻日未出月則猶見昏前日已八月則已見也。○註誤

天正赤道度

天正黃道度

交定度

以上諸法皆與日食同

推卯酉前後分法

視定望小餘如在二千五百分已下者就為卯前分也  
如在已上者去減半日周五千分餘為卯後分也又如  
在七千五百分已下者內減去五千分就為酉前分也  
如在已上者去減一萬分餘為酉後分也

已上已下皆指定望小餘

而

按凡卯酉前後分皆據子午言之卯前分是距子正

後之分也故即以小餘在卯前者定之卯後分是距  
午正前之分也故以小餘減半日周其餘則是自午  
正逆數以前距數也酉前分是距午正後之分也故  
以半日周減小餘其減不盡者則是自午正順數以  
後距數也酉後分是距子正前之分也故以小餘減  
日周其餘則是自子正逆數以前距數也

推時差分法

置日周一萬內減去卯前卯後分或酉前後分

滿千分者命為

十分滿百分  
者命為單分  
得為時差分也

### 推食甚定分法

置所推時差分加入定望小餘共得為食甚定分也

按氣刻時三差皆起於唐長慶中宣明厯於日食用  
之月食則皆不用後之諸厯或有用月食時差者其  
數大約與日食相倣皆於近卯酉則差稍多近子午  
則差漸少其以之定食甚分則皆子前減子後加以  
加減其定望小餘而得也所異者朔食時差多望食

時差少耳今依通軌所載推之則近卯酉者差反少  
近子午者差反多又不問子前子後皆以加定望小  
餘而無減法種種皆與歷經相反則何如不用之為  
得乎且日食何以有時差以月之掩日去日尚遠也  
日光尚在但不見耳據所不見而言之故以時而差  
若月食則不然闇虛者日氣所冲食則與月相著譬  
如呵氣著鏡光體盡虧一如晦朔安得有左右視之  
差乎此唐宋諸歷所以多不用也即曰用之所差不

過九十餘分然亦不至反其所用如此也竊依元史所載月食時差法定之如左

依歷經求月食甚定分法

置卯酉前後分

有千法實皆定三有百法實皆定二

自相乘

言十加定一子

退二

位去二子如四百七十八而一

去二子不滿法又去一子以所定二子為百分

一子為十分

為時差子前以減子後以加皆加減定望分為

食甚定分依發斂求之即食甚辰刻

按卯酉前後分即前所推卯前卯後分或酉前酉後

分自相乘者如求南北差法即以所得卯酉前後分  
為法與實也凡卯酉前後分皆自子午起算以自相  
乘則近卯酉差多近子午差少矣退二位法同日食  
時差以得數後有百萬退作萬有十萬退作千而後  
歸除之也如四百七十八而一者是以四百七十八  
歸除之如四百七十八分為一分也子前減子後加  
者凡望時之月在日所衝故日在子前月乃在午前  
其日食午前減故月食亦子前減也日在子後月乃

在午後日食午後加故月食亦子後加也其差多者  
不過一百三十分有奇而止故以四百七十八為法  
歸除之也

推食甚入盈縮厯及食甚入盈縮差併食甚入盈縮  
厯行定度三法俱與日食同只換望日

推月食入陰陽厯法

視所推交定度如在交中度一百八十一度八九六七  
已下者便為入陽厯也如在已上者內減去交中度餘

為入陰厯也

按交中度數原生於陰陽厯月入陽厯則在黃道南  
行一百八十一度有奇畢復入黃道北而行陰厯一  
百八十一度有奇畢則又復入陽厯矣行陽厯陰厯  
各一次謂之交終半之為交中今交定度在一百八  
十一度已下是月尚在黃道南就為入陽厯度數也  
其在已上者是月已在黃道北故於交定度內減去  
一百八十一度八九六七餘者命為入陰厯度數也

陽歷數自交初起算陰歷數自交中起算也

推交前交後度法

視所推月食入陰陽歷如在後準一十五度五十分已下者便為交後度也如在前準一百六十六度三九六八已上者置交中度內減去陰陽歷為交前度也

按凡言交者皆月出入黃道十字相交之際也凡陰歷在後準已下者是距陽歷交陰歷後未遠尚在十五度內故為陰歷交後度也凡陰歷在前準已上者

是逆距陰歷交陽歷前已近只在十五度內故為陰  
歷交前度也陽歷同十五度五十分者月食限一十  
三度。五分或有十五度五十分而入食限者蓋以  
盈縮差加減之則亦十三度有奇故以十五度五十  
分為食準也其前準度雖多逆計其所距後交之數  
亦同也

推月食分秒法

置月食限一十三度。五分內減去交前或交後度

十度

定三單度定二。按定子法疑有誤若如所云則月食必無十分者安得有既內外之分乎愚意當是十度定五單度以定法八十七分去為法除之不滿法去一子十分二子得為月食分秒也不及減者必不食也十分為單分

已下者用三限辰刻法十分已下者用五限辰刻法

按月食限度多於日食者闇虛大而月小也故不問陰陽厯只距交前後一十三度。五分內即能相掩而有食也凡定望正當交度其食十五分漸離其處食分漸殺假如距交前後一度七十四分則於食十

五分內減二分只食八分又如距交前後九度五十七分則於食十五分內減一十一分只食四分也故置食限一十二度。五分以距交前後度減之即如於食十五分內減去若干分秒也其減不盡者則正是今所合食之分秒故以定法除之而得蓋月食定法即十五分其食限之一也如食限不及減為不食者是距交前後度多於月食限是已在十三度。五分之一之外閤虛雖大至此亦不能相掩斷為不食也

推月食定用分法

置月食分三十分減去所推月食分秒餘

十分定三  
單分定二

為

實却以月食分秒

十分定三單分定二。按十分宜定  
一今加定三子者以分下有十有秒

也故亦以定六子為百  
分法實共知定四子也

為法乘之

言十定一定有六子  
為百分五子為十分

得為開方積立天元一於單微之下依平方法開之得

為開方數

有十復以四千九百二十分

定五。按以六  
分乘八百二十

分得四  
分又按元史數同日食

為法乘開方數

有十  
定一得數又以

其前推得定限行度

去四子空  
度去三子

為法除之

不滿法去一  
子定有二子

為百分一  
子為十分  
得為所推定用分也

定用分者亦月食自初虧復距食甚之時刻也然日  
食只十分而月食則有十五分者闇虛大也闇虛之  
大幾何曰大一倍何以知之以筭月食用三十分知  
之也依日食條論兩圓相切法闇虛半徑十分月半  
徑五分兩邊相切則兩半徑聯為一直線共十五分  
為兩心之距以此距線用闇虛心為心運作大圓正  
得全徑三十分也此大圓邊距闇虛邊四周各五分

為兩圓相切時月心所到之界其兩之距十五分即大圓半徑常用為弦而以食甚時兩心之距為勾食甚時月心侵入大圓邊之數為勾弦較其數與月食分秒同以此與大圓全徑相減餘即勾弦和和較相乘為股實開方積也其開方數為股即自虧復至食甚月心所行之白道也

四千九百二十乘者何也依日食條論又是十分八百二十而用其六也蓋所得月體又小於日一分也

然歷經所用與日食同此不同者蓋改率也或亦改  
三應數時所定而作史時未入如盈縮立成等耳

推三限辰刻等法

置所推食甚定分內減去定用分餘為初虧分也不及  
減者加日周減之復置食甚定分內加入定用分共得  
為復圓分也滿日周去之時刻依合朔推之

按三限辰刻同日食理不復贅

推既內分法

置月食限一十五分

按歷經作月食既一十分今從之

內減去所推月

食分秒自單以下全分餘

十分定二單分定三。句誤按此處無十分當是有分定

二十秒定一也

為實却以月食分秒自單分以下分秒單分定二十秒

一定為法乘之言十分定一所定有五子為十分四子為單分

得為開方積立天

元一於單微之下依平方法開之得為開方數就置開


方數

十分定五單分定四。按十分定五句誤此處開方數必無十分當作十秒定三有分定四也分加

定四子者以秒微也

復以四千九百二十分定五為法乘之言十

# 月食三限之圖



初虧時兩心之距為弦即

大圓三十分半徑

食甚時月心侵入大圓界

八分為勾弦較

自虧至甚月心所行之度

分為股甚至復亦同

此以月食八分為例餘可

倣推

又此係陽歷故月在闇虛

南若陰歷反此論之

虛心五分為食既時月心所到之界過此界則為既  
內矣假如月食十二分食既時月心正掩小圓之邊  
食甚時月體則入闇虛內二分而月心亦侵入小平  
圓二分故即用此二分為勾弦較以與小平圓全徑  
相減餘為勾弦和和較相乘得積開方得股即月心  
從食既至食甚在闇虛內所行小平圓之白道也於是  
亦如前法變為度分而計其行率則知月入闇虛以後行至食  
甚所歷時刻之數而命為既內之分也此既內分食甚至復圓同論

得數又以所推定限行度

去四子空度去三子

為法除之

不滿法去一子

所定有六子為百分五子為十分

得為所推既內分也

按厯經原是以既內分與一十分相減相乘此則改為一十五分今以大圓掩小圓率求得既內小平圓徑一十分與厯經合故斷從厯經也

月食十分則既矣此時月體十分全入闇虛而月之邊正切闇虛之心兩心之距正得五分以此五分為半徑自闇虛心作小平圓其全徑十分其邊各距闇

時月心在丙丙心之距乙丙與生光之時已乙之距  
等小平圓半徑五分也為小弦 丙丁為月心自既  
至甚之行與自甚至生光已下之行等為小股 丁  
已三分仍為勾 午丁二分為食甚時月心侵入小  
平圓之數為勾弦較 丙至丁所歷時刻與已丁時  
刻等是為既內分 甲至丙所歷時刻與已至戊等  
是為既外分 此以陰歷月食十二分為式餘皆倣  
論

月食五限之圖

乙為閤虛心初虧時月心在甲以其邊切閤虛於庚兩心

之距為乙甲與壬乙

等大圓半徑十五分

也為大弦食甚時


月心行至丁丁甲度

分為自虧至甚之行

與甚至復丁戌之行等為

股丁乙三分食甚時兩心之

距也為勾 壬丁十二



分食甚時月心侵入大圓內之數也為勾弦較食既

開方數

壬丁十二丁癸十八相乘二一六平方開之得丁甲  
十四<sup>九</sup>午丁二分丁艮八分相乘十六平方開之得  
丁丙四分

推既外分法

置所推定用分內減去既內分餘為既外分也

按既外分者是月食初虧至食既生光至復圓所占  
時刻也原所推定用是自虧初復末中距食甚之數

則是既內既外總數也故於其中減去既內所占時刻其餘便是既外時刻也

推五限辰刻等法

置食甚定分內減去定用分為初虧分初虧分加既外分為食既分食既分加既內分為食甚分食甚分加既內分為生光分生光分加既外分為復圓分也不及減者加日周減之滿日周去之推時刻同前

按月食所以有五限辰刻異於日食者日食只十分

故其食而既也即其食甚也纔食而既其光即生則其生光之分亦即其食甚也若月食則十五分自食既以至生光歷時且久為刻皆殊中折二數以知食甚總計虧復故有五限也以定用減小餘者所算定用原是食甚距初虧之數也故以減食甚得初虧以既外加初虧及生光者所算既外原是初虧距食既生光距復圓數也故以加初虧得食既以加生光得復圓至於所算既內原是食既至生光折半之數即

是食既生光中距食甚之數也故以加食既得食甚以加食甚得生光不及減加日周者是食甚在子正後初虧等在子正前也加滿日周去之者是食甚等在子正前復圓等在子正後也凡言時刻同前者皆用發歛也

推月食入更點法

視望下盈縮歷與太陽立成同日之日晨分就加一倍得數用五十分而一

句誤

按當作

得為更法分也

定數

滿法得十分不滿  
將更法又用五千分而一得為點法分

也  
定數滿法得百分不滿法得十分也。句誤甚按當作滿法者百已上不滿法者二百已上也大約更法

有千者則不滿法

按更點倍晨分者凡日入後二刻半而昏日未出前二刻半而晨晨則辨色未昏則不禁行晨昏啓閉以此為節是益晝五刻損夜五刻聖人扶抑之道無所徃而不存也其晨分皆自本日子正距異之數夜之有晨分猶日之有半晝分也逆推子正前距昏之數

正與相等故倍其晨分即為全夜之刻也于是以五  
除之即其夜每更所占時刻之數也假如晨分二千  
五百倍之五千五除之則知每一更分占有一十分  
也滿法者是在五千分已上故知得數為千分不滿  
法者是在五千分已下故知得數為百分於是又置  
更法以五除之即其夜每點所占刻數也假如更法  
分一千五除之則知每點中占有二百分也其點法  
得數無論滿法不滿法總是百分不必定數蓋千已

上數則不滿法豈有轉少作十分之理十分句誤又  
除法只是單五每夜五更每更五點五千分誤當作  
五而一或以五除之也

推初虧等更點法

視初虧分如在晨分已下者就加入晨分共為初虧更  
分也如在昏分已上者內減去昏分餘為初虧更分也  
却以元推更法分為法除之命起一更算外得為初虧  
更數也將減餘不及滿更法數却以元推點法分為法

除之命起一點算外得為初虧點數也次四限更點倣此而推各得更點也

若在日入已上昏分已下者命為昏刻若在下晨分以上者

命為晨刻皆無更點

按初虧等分如在晨分已下者是在子後也加入晨分是逆從子前昏刻算起也其在昏分已上是在昏後也故減去昏分即是減去晝刻截從初昏算起也究之二者則總是從初更初點起算其加後減後則知此所得數距初更初點已若干數於是以本日更

法為法除之其滿過更法有幾數便知已過幾更故  
筭外命為更數也其不滿更法而餘者則正是初入  
此更已來未滿之數故又以點法除之其滿過點法  
有幾數便知在此更中已過幾點故筭外命為點數  
便知所推初虧等尚在第幾更第幾點中未滿也其  
有總不滿更法數者則只是初更其有以點法除總  
不滿法者則只是初點也

推月食起復方位法

卷八  
視月食入陰陽厯如是陽厯者初起東北食甚正北復  
圓於西北也如是陰厯者初起東南食甚正南復圓於  
西南也若食在八分已上者無論陰陽厯皆初起正東  
復圓於正南也

按月食起復方位主月體言之即人所見月之上下  
左右也以卯位言之則東為下西為上北為左南為  
右也以酉位言之則東為上西為下南為左北為右  
也月食入陰陽厯亦主月道言之如是陽厯食是月

在日道南闇虛掩之者在其北故食起東北甚於正北復於西北也如是陰歷食是月在日道北闇虛掩之者在其南故食起東南甚於正南復於西南也其食在八分已上者是月食闇虛正相掩而過故食起正東復於正西也凡闇虛在日所冲太陽每日行一度闇虛隨之而移月之行天既視闇虛為速故其食也皆闇虛光在東月自西來道有必經無所於避遂入其中而為所掩既受謫矣則始能行而出於闇虛

之東却視閭虛又在月西故月食虧初皆在東復末皆在西也又按歷經此亦據午地言之

推月有帶食分法同日食推

月有帶食例

昏

月未出已復光若干  
月已出見復光若干

晨

月未入見復光若干  
月已入未復光若干

昏

月未出已食若干  
月已出見食若干

晨

月未入見食若干  
月已食不見食若干

按月帶食法同日食而只互易其晨昏書法者何也  
蓋月食於望望者日月相望故日出則月入月出則

日入故易日之昏為月之晨易日之晨為月之昏也  
其所以同者何也假如日入分在復圓分已下是復  
圓在日入月出後於日為見食甚不見復末者於月  
則見為復末不見食甚也若日出分在復圓分已下  
是復圓在日出月入後於日為見復末不見食甚者  
於月則為見食甚不見復末也之二者總是以食甚  
分減其日出入分其所推帶食分則總是日月出入  
前距食甚之數其以減食分而餘者亦總是日月出

入後未復光之數故總謂之已復光未復光而以所推帶食分錄於前也又如日入分在初虧分已上是初虧在日入月出前於日為見虧初不見食甚者於月則為見食甚不見虧初也若日出分在初虧分已上是食甚在日出月入後於日為見食甚不見虧初者於月則為見虧初不見食甚也之二者總是以日出入分減其食甚分其所推帶食分則總是日月出入後距食甚之數其以減食分而餘者亦總是日月

出入前已食之數故總謂之見食不見食而以所推帶食分錄於後也餘詳日食。又按歷經月食既者以既內分減帶食差餘進一位如既外分而一以減既分即月帶食出入所見之分不及減者為帶食既出入蓋凡所推帶食差是食甚所距日出入數今以既內分減之而餘者即是日出入後距食既前或日出入前距生光後其間所有時刻也進一位者即是以既分乘之也又以既外分除之則知其食既生光

距日出入時於既外全數中分得幾許時刻即知其  
於食既全數內分得幾許食分也故以減月食既十  
分即為月帶食出入之分也不及減者是帶食差少  
於既內分其日出入分已在既內分內故為帶食既  
出入也

推食甚月離黃道宿次度法

置元推食甚入盈縮厯行定度全分如是盈厯者加半  
周天一百八十二度六二八七五及天正黃道箕宿度

共得為黃道定積度也如是縮歷者正加天正黃道箕宿度內減去七十五秒餘為黃道定積度也無論盈縮歷皆以其黃道各宿次積度鈐族及減之餘為食甚月離黃道某宿次度分也

按月食黃道之積度者逆計月離度前距天正日躔宿度之數也元推食甚入盈縮歷行定度則是所求日躔距天正宿度數乃月食所冲也如日在北正月食於南正故盈歷加半周天便是食甚月離宿度又

加天正箕宿度便知食甚月離距天正黃道箕宿初  
度若干也其縮厯行定度則是日躔距夏至宿度數  
故即用其數為月離蓋月食日冲日躔夏至宿後第  
幾度月食亦即在冬至宿後第幾度故不必加半周  
天也內減去七十五秒者盈厯縮厯相距半歲周不  
及半周天七十五秒其今歲縮厯以後距來歲盈厯  
亦止半歲周若論其後距本歲盈厯則反多一分五  
十秒即多於半周天七十五秒也減此蓋彼即各相

距半周天平分天度而相望其冲也其止加天正箕  
宿度意同盈厯其不問盈縮皆減黃道積度鈐是筭  
外命宿度同日食不贅

依授時厯經黃赤道法

勿菴  
補定

求四正後赤道積度

置天正冬至所在宿赤道全度以天正赤道減之餘為  
距後度以赤道宿度累加之即得其宿距冬至後赤道  
積度加滿象限去之為四正宿距後度亦以赤道宿度

累加之滿象限去之即各得其宿距春分夏至秋分後赤道積度

按四正者四時正氣即二至二分也凡天正赤道度是前距其宿初度之數故以減其宿全度即各得後距其宿末度之數也於是以後宿赤道疊而加之即知各至後各宿距冬至度所積之度也滿象限去之者加滿象限是其宿當四正所在故減去象限即知四正所在後距其宿末度之數也於是又以赤道各

宿度累而加之即各得四正後每象宿所距四正度之數也

求赤道變黃道

置各宿距四正後赤道積度用黃赤道立成視在至後者以第三格赤道積度相挨者減之餘有十定三有分定二為實

以上第二格黃道率乘之不用乘只加定四子以下第四格黃道

率為法除之有度去四有十去三不滿法再去一視定有四子為度三子為十分加入第

一格黃道積度即為其宿距至後黃道積度其夏至後

再加半周天即各得其宿距天正黃道積度也若在分

後者以第一格赤道積度相同者減之只用小餘有十三

有分定二為實以下第四格黃道率為法有度定四乘之言

定得數以上第二格赤道率除之不用除只去四子視

為十加入第三格黃道積度即得其宿距分後積度其

春分後再加一象限其秋分後再加三象限即各得其

宿距天正黃道積度也於是各置其宿距天正黃道積

度以其前宿黃道積度減之即各得其宿黃道本度也

秒就近約為分

按至後不用乘者其立成黃道率只是一度乘過數  
不動故只加定四子也分後不用除者其立成赤道  
率亦是一度除過數亦不動故只虛去四子也夏至  
後加半周天春分後加一象限秋分後加三象限者  
此所求黃道積度皆距四正起算故各以四正距天  
正黃道數加之即其宿前距天正之數也蓋至後黃  
道雖減於赤道分後黃道雖加於赤道其實至四立

之後則加之極而反減減之極而反加總計一象皆得九十一度有奇此天道所以如環平陂徃復間不容髮也減前宿積度為其宿本度者積度既是距天正數原包有前宿在內故減之即得本度也

秒就近約為分

者凡秒五十已上收為分已下棄之就整數也其七十五秒寄虛度

### 求天正冬至黃道度

置周天度三百六十五度二五七五內減去天正前一宿距天正黃道積度餘命為天正冬至宿黃道度分也

若逕求者置象限以其年天正赤道度減之餘為天正  
前宿距秋分後赤道積度依赤道變黃道法求出其宿  
距分後黃道積度以減象限餘即命為天正黃道度

按周天度是自天正後積至天正前黃道總數故減  
去前宿距天正黃道積度即得天正距所在宿初度  
之數也逕求法除象限者即是自天正前距秋分後  
赤道總數也內減去天正赤道度其餘即是前宿距  
秋分後赤道積度也赤道變黃道法即是以立成第

一格積度減餘以第四格度率乘以第一格度率除  
加入第三格積度而命為前宿距秋分後黃道積度  
也又以減象限者此所為象限即是自天正前距秋  
分後黃道總數故減去前宿距秋分黃道積度其餘  
即是天正冬至距其宿初度黃道之數也

求黃道宿積度定鈐

置天正冬至宿黃道度及分如入其宿距至後黃道積  
度及分共得為天正冬至宿黃道定積度以各宿黃道

度累加之即各得其宿黃道定積度

按分至每歲有差黃道即因而易即不能每歲步之  
當於六十六年歲差一度時更定度鈐始為無弊也  
凡冬至所在宿皆有前後距其黃道皆減於赤道今  
所推其宿至後積度是自冬至日躔後距其宿末度  
黃道數其天正黃道宿度則是自冬至日躔前距其  
宿初度黃道數也合二數則是自其宿初度距其宿  
末度總數故即命為天正宿定積度也於是以各宿

黃道度累加之即各得其宿所距天正宿初度之數而命為定積度也

求日月食甚宿次黃道度及分秒法同通軌

又術置所推食甚盈縮厯縮厯加半周天為黃道定積度月食盈縮厯俱加半周天滿周天分去之為黃道定積度皆逕以距天正黃道積度相換者減之即各得日月食甚黃道宿度及分秒

按此法不用定積度鈐故亦不加天正黃道度然必

每年步定黃道積度方可用之也

赤道宿度

角十二  
十一

亢九  
十二

氐十六  
十三

房五  
十六

心六  
十五

尾十九  
十一

箕十  
十四

右東方七宿七十九度二十分

斗二十五  
十二

牛七  
十二

女十一  
十五

虛八  
九十  
五太

危十五  
十四

室十七  
十一

壁八十六

右北方七宿九十三度八十分太

奎十六十六

婁十一十八

胃十五十六

昂十一十三

畢十七十四

觜初五

參十一十一

右西方七宿八十三度八十五分

井三十三十三

鬼二十二

柳十三十三

星六十三

張十七二十五

翼十八七十

軫十七十三

右南方七宿一百。八度四十分

黃赤道立成

積度 度率 積度 度率 積差 差率

初

一

一〇八  
六五

八十二秒

一

一

一〇八  
六五

一〇八  
六三

八十二秒

二分  
六四

二

一

二一七  
二八

一〇八  
六〇

三分  
八二

四分  
一一

三

一

三二五  
八八

一〇八  
五七

七分  
九三

五分  
六七

|               |               |               |               |               |               |               |               |
|---------------|---------------|---------------|---------------|---------------|---------------|---------------|---------------|
| 十一            | 十             | 九             | 八             | 七             | 六             | 五             | 四             |
| 一             | 一             | 一             | 一             | 一             | 一             | 一             | 一             |
| 十一<br>九二      | 十八<br>〇六      | 九<br>〇七<br>五  | 八<br>九六<br>三七 | 七<br>七五<br>〇九 | 六<br>三五<br>七一 | 五<br>九四<br>四二 | 四<br>三四<br>五  |
| 一<br>七〇<br>二七 | 一<br>八〇<br>六七 | 一<br>〇〇<br>一八 | 一<br>二〇<br>二八 | 一<br>二〇<br>三八 | 一<br>三〇<br>三八 | 一<br>四〇<br>三九 | 一<br>四〇<br>九八 |
| 一〇〇           | 八十二分<br>〇六    | 六十六分<br>四八    | 五十二分<br>六七    | 四十分<br>六三     | 二十九分<br>六三    | 二十分<br>六五     | 十三分<br>五一     |
| 十九分<br>六一     | 十七分<br>五四     | 十五分<br>六七     | 十四分<br>八〇     | 十二分<br>〇四     | 十分<br>三七      | 九分<br>七〇      | 七分<br>一四      |

|    |   |           |           |          |            |
|----|---|-----------|-----------|----------|------------|
| 十二 | 一 | 十二<br>六四九 | 一五〇<br>五七 | 一一<br>一九 | 二十分<br>七八  |
| 十三 | 一 | 十三<br>一〇七 | 一四〇<br>〇七 | 一〇<br>八〇 | 二十二分<br>八五 |
| 十四 | 一 | 十四<br>五九四 | 一〇<br>〇七  | 一六<br>六二 | 二十四分<br>〇三 |
| 十五 | 一 | 十五<br>七二九 | 一〇<br>四七  | 一六<br>六八 | 二十六分<br>五〇 |
| 十六 | 一 | 十六<br>八三八 | 一八<br>四六  | 二〇<br>一三 | 二十七分<br>九七 |
| 十七 | 一 | 十七<br>六三五 | 一六<br>三六  | 二四<br>〇〇 | 二十九分<br>五五 |
| 十八 | 一 | 十八<br>四二〇 | 一四<br>二六  | 二七<br>五〇 | 三十一分<br>〇三 |
| 十九 | 一 | 十九<br>七二八 | 一〇<br>二六  | 三〇<br>五一 | 三十三分<br>七〇 |

|            |            |            |            |            |            |            |            |
|------------|------------|------------|------------|------------|------------|------------|------------|
| 二十七        | 二十六        | 二十五        | 二十四        | 二十三        | 二十二        | 二十一        | 二十         |
| 一          | 一          | 一          | 一          | 一          | 一          | 一          | 一          |
| 二十八<br>九六一 | 二十七<br>四八七 | 二十六<br>五八二 | 二十五<br>五七二 | 二十四<br>二七二 | 二十三<br>六六六 | 二十二<br>九六〇 | 二十一<br>九五四 |
| 一<br>三〇四   | 一<br>五〇六   | 一<br>八〇二   | 一<br>〇〇五   | 一<br>三〇五   | 一<br>五〇五   | 一<br>七〇五   | 一<br>九〇五   |
| 六<br>二〇六   | 五<br>七〇一   | 五<br>八二六   | 四<br>八二四   | 四<br>四四二   | 四<br>二〇六   | 三<br>五六七   | 三<br>七三四   |
| 四十七分<br>八三 | 四十五分<br>九五 | 四十三分<br>九七 | 四十二分       | 四十分<br>〇二  | 三十八分<br>二四 | 三十六分<br>三六 | 三十四分<br>五八 |

|             |            |            |            |             |             |             |             |
|-------------|------------|------------|------------|-------------|-------------|-------------|-------------|
| 三十五         | 三十四        | 三十三        | 三十二        | 三十一         | 三十          | 二十九         | 二十八         |
| 一           | 一          | 一          | 一          | 一           | 一           | 一           | 一           |
| 三十七<br>四一五九 | 三十六<br>九一六 | 三十五<br>二一四 | 三十四<br>〇一五 | 三十三<br>七〇三七 | 三十二<br>一〇八四 | 三十一<br>三〇六〇 | 二十九<br>九六二八 |
| 一<br>二〇九二   | 一<br>五〇四二  | 一<br>八〇二   | 一<br>〇〇六三  | 一<br>三〇二三   | 一<br>五〇五三   | 一<br>八〇二三   | 一<br>〇〇八四   |
| 十四<br>九四四   | 九<br>二〇五   | 九<br>一七九   | 八<br>九三〇   | 八<br>四三六    | 七<br>七〇三    | 七<br>七五二    | 六<br>五八三    |
| 六十一<br>分五四  | 五十九<br>分四七 | 五十八<br>分一〇 | 五十六<br>分六二 | 五十四<br>分〇五  | 五十二<br>分三七  | 五十<br>分五九   | 四十九<br>分七一  |



|                  |                  |                  |                 |                  |                  |                  |                  |
|------------------|------------------|------------------|-----------------|------------------|------------------|------------------|------------------|
| 五十一              | 五十               | 四十九              | 四十八             | 四十七              | 四十六              | 四十五              | 四十四              |
| 一                | 一                | 一                | 一               | 一                | 一                | 一                | 一                |
| 五十三<br>六二五<br>六三 | 五十二<br>二二七<br>二二 | 五十一<br>二二八<br>二六 | 五十<br>二二九<br>三五 | 四十九<br>一三〇<br>一〇 | 四十八<br>一三〇<br>五九 | 四十七<br>一三〇<br>八五 | 四十六<br>一三〇<br>八五 |
| 〇<br>二九八<br>二七   | 〇<br>五九八<br>五一   | 〇<br>七九八<br>六八   | 〇<br>〇九九<br>一九  | 〇<br>二九九<br>五九   | 〇<br>五九九<br>五一   | 七九<br>四九         | 一〇〇<br>〇〇        |
| 二十二<br>〇一五<br>五  | 二十一<br>四三一<br>八  | 二十四<br>一四九<br>一  | 十九<br>九六七<br>九  | 十八<br>一八八<br>五   | 十八<br>六〇九<br>五   | 十七<br>五三二<br>三   | 十六<br>八五六<br>二   |
| 八十四分<br>二七       | 八十三分<br>七五       | 八十二分<br>七三       | 八十一分<br>二一      | 七十九分<br>四八       | 七十八分<br>〇五       | 七十七分<br>二一       | 七十五分<br>一七       |

|             |            |            |            |            |            |            |            |
|-------------|------------|------------|------------|------------|------------|------------|------------|
| 五十九         | 五十八        | 五十七        | 五十六        | 五十五        | 五十四        | 五十三        | 五十二        |
| 一           | 一          | 一          | 一          | 一          | 一          | 一          | 一          |
| 六十一<br>一〇三五 | 六十<br>五〇二八 | 五十九<br>六七一 | 五十八<br>五九四 | 五十七<br>二一七 | 五十六<br>七一九 | 五十五<br>九三二 | 五十四<br>九〇三 |
| 〇<br>三九六    | 〇<br>六九六   | 〇<br>八九六   | 〇<br>〇九七   | 〇<br>三九七   | 〇<br>五九七   | 〇<br>八九七   | 〇<br>〇九八   |
| 二十九<br>〇二一  | 二十八<br>六二九 | 二十七<br>九三八 | 二十六<br>二四九 | 二十五<br>二七〇 | 二十四<br>四七二 | 二十三<br>六八五 | 二十二<br>七九七 |
| 九十一分<br>二   | 九十分<br>四   | 九十分<br>三八  | 八十九分<br>七七 | 八十八分<br>五九 | 八十七分<br>九八 | 八十六分<br>八八 | 八十五分<br>三八 |

|            |            |            |            |            |            |            |            |
|------------|------------|------------|------------|------------|------------|------------|------------|
| 六十         | 六十一        | 六十二        | 六十三        | 六十四        | 六十五        | 六十六        | 六十七        |
| 一          | 一          | 一          | 一          | 一          | 一          | 一          | 一          |
| 六十二<br>五〇一 | 六十二<br>六八七 | 六十三<br>六九三 | 六十四<br>四八九 | 六十五<br>八五四 | 六十六<br>一四〇 | 六十七<br>二七五 | 六十八<br>一七〇 |
| 〇<br>一六六   | 〇<br>九四五   | 〇<br>七二五   | 〇<br>五九五   | 〇<br>二九五   | 〇<br>〇九五   | 〇<br>八九四   | 〇<br>七〇四   |
| 三十一<br>二八三 | 三十一<br>二〇六 | 三十一<br>八九三 | 三十一<br>〇九四 | 三十三<br>九八八 | 三十四<br>三八四 | 三十五<br>二二〇 | 三十六<br>六〇六 |
| 九十二分<br>四九 | 九十三分<br>一六 | 九十四分<br>六二 | 九十四分<br>五八 | 九十五分<br>八三 | 九十五分<br>〇九 | 九十六分<br>八三 | 九十六分<br>一八 |

|            |            |            |            |            |            |            |            |
|------------|------------|------------|------------|------------|------------|------------|------------|
| 七十五        | 七十四        | 七十三        | 七十二        | 七十一        | 七十         | 六十九        | 六十八        |
| 一          | 一          | 一          | 一          | 一          | 一          | 一          | 一          |
| 七十六<br>四二二 | 七十五<br>九二八 | 七十四<br>四三五 | 七十三<br>六一四 | 七十二<br>六四七 | 七十一<br>五五三 | 七十<br>三〇九  | 六十九<br>八六四 |
| 〇<br>二九三   | 〇<br>三九三   | 〇<br>五九二   | 〇<br>八九三   | 〇<br>九九三   | 〇<br>一九四   | 〇<br>二九四   | 〇<br>五九四   |
| 四十四<br>二六〇 | 四十三<br>三六一 | 四十二<br>六六二 | 四十一<br>二六四 | 四十<br>〇六六  | 三十九<br>一六八 | 三十八<br>六〇〇 | 三十七<br>七四一 |
| 九十九分一      | 九十八分一      | 九十八分六      | 九十八分四      | 九十八分八      | 九十七分八      | 九十七分五      | 九十七分九      |

|     |   |            |   |     |            |       |
|-----|---|------------|---|-----|------------|-------|
| 七十六 | 一 | 七十七<br>七一五 | 〇 | 一九三 | 四十五<br>三五九 | 九十九分五 |
| 七十七 | 一 | 七十八<br>八〇八 | 〇 | 〇九三 | 四十六<br>六五八 | 九十九分〇 |
| 七十八 | 一 | 七十九<br>九〇一 | 〇 | 八九二 | 四十七<br>〇五八 | 九十九分二 |
| 七十九 | 一 | 七十九<br>九六四 | 〇 | 七九五 | 四十八<br>五五七 | 九十九分六 |
| 八十  | 一 | 八十<br>一〇七  | 〇 | 六五二 | 四十九<br>一五六 | 九十九分七 |
| 八十一 | 一 | 八十一<br>一六〇 | 〇 | 五五二 | 五十<br>八五六  | 九十九分九 |
| 八十二 | 一 | 八十二<br>二一三 | 〇 | 四四二 | 五十一<br>六五六 | 九十九分八 |
| 八十三 | 一 | 八十三<br>二六五 | 〇 | 三三二 | 五十二<br>五六六 | 九十九分八 |

|     |    |                 |               |                 |            |
|-----|----|-----------------|---------------|-----------------|------------|
| 八十四 | 一  | 八十四<br>五五<br>三七 | 〇<br>二九<br>八二 | 五十三<br>五五<br>四〇 | 九十九<br>分三九 |
| 八十五 | 一  | 八十五<br>四九<br>八二 | 〇<br>二九<br>二二 | 五十四<br>五五<br>三三 | 九十九<br>分六九 |
| 八十六 | 一  | 八十六<br>四二<br>〇三 | 〇<br>一九<br>二五 | 五十五<br>五五<br>二九 | 九十九<br>分七九 |
| 八十七 | 一  | 八十七<br>三四<br>一八 | 〇<br>一九<br>二二 | 五十六<br>五五<br>二六 | 九十九<br>分九九 |
| 八十八 | 一  | 八十八<br>二六<br>〇〇 | 〇<br>一九<br>〇二 | 五十七<br>五五<br>二五 | 一          |
| 八十九 | 一  | 八十九<br>一八<br>〇〇 | 〇<br>一九<br>〇四 | 五十八<br>五五<br>二五 | 一          |
| 九十  | 一  | 九十<br>一〇<br>四四  | 〇<br>一九<br>〇四 | 五十九<br>五五<br>二五 | 一          |
| 九十一 | 三一 | 九十一<br>〇二<br>八四 | 〇<br>二八<br>七七 | 六十<br>五六<br>二五  | 二一<br>二五   |

九十一  
三一

九十一  
三一  
二五

六十  
八七  
五〇



附郭守敬傳

初劉秉忠以大明厯自遼金承用二百餘年浸以後天  
議欲脩正而卒十三年江左既平世祖思用其言遂以  
守敬與王恂率南北日官分掌測驗推步於下而命張  
文謙與樞密張易為之主領裁奏於上左承許衡參預  
其事守敬首言厯之本在於測驗而測驗之器莫先儀  
表今司天渾儀宋皇祐中汴京所造不與此處天度相  
符比量南北二極約差四度表石年深亦復欹側守敬

乃盡考其失而移置之既又別圖高爽地以木為重棚  
創作簡儀高表用相比覆又以為天樞附極而動昔人  
嘗展管望之未得其的作候極儀極辰既位天體斯正  
作渾天象象雖形似莫適所用作玲瓏儀以表之矩方  
測天之正圜莫若以圜求圜作仰象古有經緯結而不  
動守敬易之作立運儀日有中道月有九行守敬一之  
作證理儀表高景虛罔象非真作景符月雖有明察景  
則難作閱几厯法之驗在於交會作日月食儀天有赤

道輪以當之兩極低昂標以指之作星晷定時儀又作  
正方案九表懸正儀座正儀為四方行測者所用又作  
仰規覆矩圖異方渾蓋圖日出入永短圖與上諸儀互  
相參考十六年改局為太史院以恂為太史令守敬為  
同知太史院事給印章立官府及奏進儀表式守敬當  
帝前指陳理數至於日晏帝不為倦守敬因奏唐一行  
開元間令南宮說天下測景書中見者凡十三處今疆  
宇比唐猶大若不遠方測驗日月交食分數時刻不同

晝夜長短不同日月星辰去天高下不同即日測驗人少可先南北立表取直測景帝可其奏遂設監候官一十四員分道而出東至高麗西極滇池南踰珠崖北盡鐵勒四海測驗凡二十七所十七年新歷告成守敬與諸臣同上奏曰臣等竊聞帝王之事莫重於歷自黃帝迎日推策帝堯以閏月定四時成歲舜在璇璣玉衡以齊七政爰及三代歷無定法周秦之間閏餘乖次西漢造三統歷百二十年而後是非始定東漢造四分歷七十年而儀式方

備又百二十一年劉洪造乾象厯始悟月行有遲疾及魏黃初間始以日食課其疎密魏楊偉作景初厯始立交食起虧術又百八十年姜岌造三紀甲子元厯始悟以月食推驗日宿度所在又五十七年何承天造元嘉厯始悟以朔望及弦皆定大小餘及以晷景驗氣又六十五年祖冲之造大明厯始悟太陽有歲差之數極星去不動處一度餘又五十二年張子信始悟日月交道有表裏五星有遲疾留逆又三十三年張胄玄造大業厯始立五星入氣加減法及月

應食不食術劉焯造皇極歷始悟日行有盈縮及立推黃道月道又三十五年傅仁均造戊寅元歷頗采舊議始用定朔又四十六年李淳風造麟德歷以古歷章部元首分度不齊始為總法用進朔以避晦晨月見又六十三年一行造大衍歷始以朔有四大三小定九服交食軌漏之異及創立歲星差合術又九十四年徐昂造宣明歷始悟日食有氣刻時三差又七十二年邊岡造崇玄歷始立相減相乘法以求黃道月道又六十三年王朴造欽天歷始變五星法遲

留逆行舒亟有漸又九十八年周琮造明天厯始悟日  
法積年自然之數又三十六年姚舜輔造紀元厯始悟  
食甚泛餘差數以上計千一百八十二年厯經七十改  
其創法者十有三家自是又百七十四年聖朝專命臣  
等改修新厯臣等用創造簡儀高表憑其測實數所考  
正者凡七事一曰冬至自丙子年立冬後依每日測到  
晷景逐日取對冬至前後日差同者為準得丁丑年冬  
至在戊戌日夜半後八刻半又定丁丑夏至在庚子日

夜半後七十刻又定戊寅冬至在癸卯日夜半後三十刻已卯冬至在戊申日夜半後五十七刻庚辰冬至在癸丑日夜半後八十一刻各減大明厯十八刻遠近相符前後應準二曰歲餘自大明厯以來凡測景驗氣得冬至時刻真數者有六用以相距各得其時合用歲餘考驗四年相符不差仍自宋大明壬寅年距至今日八百一十年每歲合得三百六十五日二十四刻二十五分其二十五分為今厯歲餘合用之數三曰日躔用

至元丁丑四月癸酉望月食既推求日躔得冬至日躔赤道箕宿十度黃道箕九度有奇仍憑每日測到太陽躔度或憑星測月或憑月測日或逕憑星度測日立術推算起自丁丑正月至己卯十二月凡三年共得一百三十四事皆躔於箕與月食相符四日月離自丁丑以來至今憑每日測到逐時太陰行度推算變從黃道求入轉極遲疾并平行處前後凡若干轉計五十一事內除去不真的外有三十事得大明厯入轉後天又因考

驗交食加大明歷三十刻與天道合五日入交自丁丑五月以來憑每日測到月道去極度數比擬黃道去極度得月道交於黃道出入度仍依日食法度推求皆有食分得入交時刻與大明歷所差不多六日二十八宿距度自漢太初歷以來距度不同互有損益大明歷則於度下餘分附以太半少皆私意牽就未嘗實測其數今新儀皆細刻周天度分每度為三十六分以距線代管窺宿度餘分並依實測不以私意牽就七曰日出入

晝夜刻大明歷日出入晝夜刻皆據汴京為準其刻數與大都不同今更以本方北極出地高下黃道出入內外度立術推求每日日出入晝夜刻得夏至極長日出寅正二刻日入戌初二刻晝六十二刻夜三十八刻冬至極短日出辰初二刻日入申正二刻晝三十八刻夜六十二刻永為定式所創法凡五事一曰太陽盈縮用四正定氣立為升降限依立招差求得每日行分初末極差積度比古為密二曰月行遲疾古歷皆用二十八限今以萬分日之八百

二十分為一限凡析為三百三十六限依垛疊招差求得轉分進退其遲疾度數逐時不同蓋前所未有三日黃赤道差舊法以一百一度相減相乘今依算術勾股弧矢方圓斜直所容求到度數積差差數與天道實脗合四曰黃赤道內外度據累年實測內外極度二十三度九十分以圓容方直矢截勾股為法求每日去極與所測相符五曰白道交周舊法黃道變推白道以斜求斜今用立渾比量得月與赤道正交距春秋二正黃赤

道正交一十四度六十六分擬以為法推逐月每交二十八宿度分於理為盡十九年恂卒時厯雖頒然其推步之法與夫立成之數尚皆未有定稿守敬於是比次篇類整齊分秒裁為推步七卷立成二卷厯議擬稿三卷轉神選擇二卷上中下三厯注式十二卷二十三年繼為太史令遂上表奏進又有時候箋注二卷修改源流一卷其測驗書有像象法式二卷二至晷景考二十卷五星細行考五十卷古今交食考一卷新測二十八

舍雜坐諸星入宿去極一卷新測無名諸星一卷月離  
考一卷並藏之官



大統歷志卷八